

Ekhaya nanyana ebhizinisini

- o Vala ipompi hlanguka nokuhlamba ubuso, ukuhlamba amazinyo nanyana utjhefa.
- o Ukuhlamba kutjhwara imizuzu emihlanu kunokuhlambela ngebhadeni, konga ingcinye yokuthathu yamanzi okungalinganiselwa kumalitha wamanzi ama-400 ngeveke.
- o Ukutjhwara kusebenzisa amanzi alinganiselwa kumalitha ama-20 ngomzuzu.
- o Ukuhlambela ngebhadeni umuntu munye usebenzisa amalitha wamanzi ahlanguka nama-80 ukuya kama-150.
- o Nawukhetha ukuhlambela ngebhadeni, ungayizalisi ngamanzi.
- o Sebenzisa umhlobo weenhlokwana zetjhwara ezikhupha amanzi kabuthaka, indlela encambili yokukhambisa indle nemitjhini yokuvasa eyonga amanzi.
- o Iinketela mazingazaliswa khulu ngamanzi kodwana thela amanzi alingene iindingo zakho. Lokhu kuzakwehlisa imali yakho yokubhadela igezi.
- o Ungazalisi khulu iimphathi ezifana neempoto ngombana kungabangela ukusetjenziswa kwegezi enengi.
- o Ukwehlisa itjhadu lokukhambisa amanzi ngendlwaneni konga ama-20% wamanzi asetjenziswako. Lokhu kungenziwa ngokufaka ibhodlela lesiselo lamalitha amabili elizalizwe ngamanzi nehlabatjhana ukungezelela isisindo esigujaneni samanzi.
- o Lungisa indlwana evuzako ngombana ingamotjha amalitha wamanzi azii-100 000 ngonyaka.
- o Ungavuleli amanzi wendlwana kunganasidingo. Lahla ithitjhu, iinunwana nenye isila ngemgqonyeni weenzibi kunokuzilahlela ngendlwaneni. Qobe nawuvulela amanzi ngendlwaneni, kusebenza amalitha ali-12 wamanzi.
- o Sebenzisa "amanzi amlotjhana" – amanzi asetjenziswako webhada, womtjhini wokuvasa iimpahla nezinye iinsetjenziswa eziphephileko – ukukhambisa indle.
- o Ungazalisi khulu idanyana lokududela nanyana ukulihlengisa.
- o Sebenzisa itjhunga kunephayiphu ukuvasa ikoloyakho. Nakufanele usebenzise iphayiphu, faka isinyenyenzi esingavalwa okwesikhatjhana nawuvasa ikoloyi. Ukusebenzisa iphayiphu lokusezela kungamotjha amalitha wamanzi ama-30 ngomzuzu.
- o Ungatheli ipende namakhemikhali kudreyini.
- o Kufuze abalimi baqinisekise kobana babeka kude namanzi iimbulalinunwana ezinetjhefu nemilambo.
- o Kufuze amafekthri ayelele kobana balahlela bunjani imekhyuri namanye amakhemikhali anetjhefu ngemanzini asilaphazekileko.
- o Abantu abahlala eendaweni zemakhaya kufuze bayelele bangasebenzisi umlambo nanyana isebe lawo njengendlwana.

Etonini

- o Sezela iintjalo zakho njalo ekuseni nanyana nakurhwalalako lokha amazanga wokutjhiswa nakaphasi. Phakathi kwe-iri ye-10:00 neye-15:00 ungalahlekelwa ma-90% wamanzi ngonobangela womrhawumoko.
- o Njalo nawupheka iqanda, yonga amanzi apholileko usezele ngawo iintjalo zangekhaya. Zizakuzusa ngezakhamzimba eziphuma eqepheni lamaqanda.
- o Tjjala iintjalo zendabuko yenarha nezezinye iinarha kodwana ezingamunyi amanzi amanengi (ingasi iintjalo ezitjhili nezisahlala iintjalo zangekhaya).
- o Hlukanisa iintjalo ngokweendingo zazo zamanzi nokufaka izinto ezibamba amanzi njengotjani.
- o Ungasezeli itoni kanengi kodwana isezele ngokwaneleko. Ukusebenzisa iphayiphu lokusezela kungamotjha amalitha wamanzi ama-30 ngomzuzu.
- o Susa iintjalo ezitjhili ezisahlalako endawenakho.
- o Amanzi wokubekelwa angathelwa ngematankeni ukusezela itoni.
- o Sebenzisa "amanzi amlotjhana" - amanzi asetjenziswako webhada, umtjhini wokuvasa iimpahla nezinye iinsetjenziswa eziphephileko – ukusezela itoni yakho.

